



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

exercitium super Symbolo apostolorum. 53

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

LIBER III.

siue pessundāt cūctā quæ cor maculare possent,
hoc sanctissimo fructu tuo replebuntur. Quia
quem cœli, angeli videlicet & sancti capere nō
poterant, tuo gremio contulisti. Et eum, qui te
creauit prouide, lactasti sacro vbere. Trinam re-
gentem machinam clausum Mariæ baiulat. Et
hic est fructus ventris tui Iesus Christus, Amē.
Nūc itaq; rogo te, o mater piissima dōmini mei,
per gratiam illam, quam præstitit tibi Deus, q̄
ex te homo fieri dignatus est, tibi subditus fuit,
in matrem suam te elegit, & sanctum spiritū su-
um tibi cum septem donis ipsius, quibus te exor-
nabat & aptam efficiebat, dedit, vt pro me do-
minū depreceris, quo diuinitas ipsius per dignif-
simam humanitatē suam septiformi gratia lan-
cti spiritus exornare me dignetur, quatenus in
me pacē & gaudiū habere queat. Istud obsecro
impetrare mihi digneris a bñdicto fructu vētris
tui, vt ipsi sine separatiōe vniri possim, Amen.

Credo, siue Symbolum apostolorum.

Cap. LIII.

S Anctus Petrus] Credo in Deum patrē om-
nipotentem creatorē cœli & terræ. [S. An-
dreas] Et in Iesum Christum filium eius v-
nicum dominum nostrum. [S. Ioannes] Qui cō-
ceptus est de spiritu sancto, natus ex Maria vir-
gine. [S. Iacobus maior] Passus sub Pontio Pi-
lato, crucifixus, mortuus & sepultus. [S. Tho-
mas] Descēdit ad inferna, tertia die resurrexit a
mortuis. [S. Iacobus minor] Ascēdit ad cœlos,
sedet ad dexterā Dei patris omnipotētis. [S. Phi-
lippus] Inde vēturus est iudicare viuos & mor-
tuos. [S. Bartholomæus] Credo in spiritū san-
ctum.

H H cūm.

MARGARITAE EVANG.

ctū. [S. Matthæus] Sanctam ecclesiam catholice
cam. [S. Simon] Sanctorum communionem, re
missionem peccatorum. [S. Iudas] Carnis relur
rectionem. [S. Matthias] Vitam aternā, Amē.

Exercitium super Symbolo apostolorum.

Credo in Deum patrem omnipotentē, cre
atorem cœli & terræ.] qui est Deus super
omnia benedictus, solus amandus, metue
dus & adorandus. [Et in Iesum Christum filium
eius vnicum dominū nostrū.] qui per paternam
virtutem, & sapientissimam præordinationem
conceptus est de spiritu sancto, natus ex Maria
virgine.] O igitur dulcissime dñe Iesu Christe,
qui dixisti : Nemo venit ad patrem nisi per me.
Et: Qui videt me, videt & patrem. Non credis,
quia ego in patre, & pater in me est. Et: Verba,
quæ ego loquor vobis, a meipso non loquor: pa
ter autem in me manens, ipse facit opera. O (in
quā) diuinitatis abyssus, quam es ineffabilis. O
creator meus, tibi seruire & peccata vitare desi
dero, etiam si nulla mihi vnquam merces inde a
te restituenda sit. Credo namq; dominum meum
Iesum Christum verum Deum & hominem, &
meritum esse omnium sanctorum, quodque si
ne ipso saluari nō possim. [Natus ex Maria vir
gine] ex qua nostrā naturam assumēs, verbum
æternū caro factum est, & habitauit in nobis. O
anima mea, attende nunc ineffabilem potētiam
eius, qui nostram assumpsit naturā, & quantum
potes: obstupesce & admirare. Attendē etiā quo
modo homo factus est & vixit, ipsumque imi
tare. Denique & causam inspice, propter quid
factus

LIBER III.

factus est homo, & latere ipsumque super omnia tota virtute dilige. [Passus sub Pontio Pilato, crucifixus, mortuus & sepultus.] O domine Deus meus, quia sanctissimum corpus tuum in passione tua nimis deformatum fuit, da mihi vt per illud omnem peccatorum meorum deformitatem sanare possim. O domine Deus meus, pone obsecro crucem tuam, & poenas tuas inter me & districtum iudicium tuum. Cum enim ex puro amore pro me sis mortuus, charitati tuæ peccata mea præpoderare non possunt. [Descendit ad inferna, tertia die resurrexit a mortuis.] O amantissime dñe Iesu, anima tua nobilissima diuinitate illustrata, cum tanta claritate ad inferna descendit, vt omnes inde amici tui & beati & læti efficerentur. Interim vero sacratissimum corpus tuum in sepulchro iacebat cū sanguinolētis vulneribus suis, animæ quidē præsentia destitutum, sed diuinitati vnitum, a qua & custodiebatur. In resurrectione autem tua ex mortuis, ipsa vnio & claritas per diuinitatis irradiationem adeo vigorosa in anima & corpore est effecta, vt splendentes ac flammantes radios ex te emitteres, cunctosq; qui id a te postulabant, in tuo amore fortiter inflāmares. Rogo itaq; te Deus meus per merita sanctissimæ humanitatis tuæ, permitte diuinitatem tuam lucere in me, vt per illius opem & auxilium sequi valeā sanctissimam humanitatē tuam. [Ascendit ad coelos, sedet ad dexterā Dei patris omnipotētis.] O mi dñe Iesu ad dexterā sedes patris tui, quia æqualis es ei, dataq; est tibi omnis potestas in cœlo & in terra. Etenim cum nostra natura ascendisti, & ad dextram sedens patris tui, nobis locum

H H ij præ-

MARGARITAE EVANG.

præparasti. Et licet in cœlum cōscenderis, nobil
cum tamē in tuo venerabili sacramēto perman
fisti, nos omnes liberrissime semper transforma
re in te, tecumq; vnire volens, quatenus accipe
re nos ad te ipsum possis, gaudiumq; tuum in no
bis sit, & gaudium nostrum impleatur. [Inde vē
turus est iudicare viuos & mortuos.] Id est, bo
nos & malos. O domine Deus meus in hoc tre
mendo iudicio tuo candidus & rubicundus cum
sanguinolētis vulneribus tuis apparebis. Et per
ineffabilem dilectionē tuam spiritus siue aer ex
te suauissimus exhibit, quo quemcunq; a vitij li
berum & charitate plenum inueneris, tibi attra
hes. Tales nanq; soli tibi congruunt cōueniunt
que. Rogo itaq; te per cruenta vulnera tua, quæ
pro me ex amore suscepisti, dimite mihi peccata
mea, & imple me feruentissima charitate tua,
ne, quod absit, in me pereat amarissima passio
tua. [Credo in spiritum sanctū] id est, firmam
spem & fiduciam habeo in spiritum sanctum,
qui est amor patris, & filij, & est ipse Deus. O
dulcissimum amoris vinculum patris & filij, ob
secro te illumina & imple me, vt per te scia pa
trem & filium, teq; credam vtriusque spiritum,
semperq; sperem & credam in te, & perfectissime
me te diligam. [Sanctam ecclesiam catholicam
sanctorum communionem, remissionem pecca
torum.] Id est: Credo quod omnes passiones &
sanctorum omniumq; bonorum hominum sit
merita singulorum, quippe quum sint oēs mem
bra sanctæ ecclesiæ, & caput ipsorum Christus.
Ideoq; meritum vnius etiam alterius est mer
tam, si tamen fideles sint, & sanctæ ecclesiæ

LIBER III.

ramenta credant atq; ad ea cum deuotione con-
grua se præparent. Sanctorum enim communio,
ipsorum est in inuicem amor & cohabitatio.
Christus nanque per charitatem suam cum vni-
uersis meritis suis in sanctos & electos suos pro-
fluxit, & ipsi vicissim in eum. O igitur domine
Deus meus, obsecro te per ardentissimam illam
charitatem tuam, ex qua factus es homo & acer-
bissimam pro me mortem sustinuisti, dimitte
mihi per eandem mortem tuam omnia peccata
mea, & exorna me sanctissimis meritis tuis. Cre-
do nanque cum omni sancta ecclesia tua, quod
te ipsum mihi dederis, vt tibi cum teipso satisfa-
ciam, quodque sine te boni aliquid facere non
possim, & omnia merita mea ex te sint. [Car-
nis resurrectionem] Id est, corporis & animæ cō-
iunctionem. Scio enim quod redemptor meus
vixit, sederque ad dexteram patris sui cum san-
cto ac glorificato corpore suo, & in nouissimo
die de terra surrecturus sim, & in carne vide-
bo Deum saluatorem meum, ipsumque con-
specturi sunt oculi. Da igitur mihi piissime De-
us amare te cum omnibus, quæ accepi abs te,
cum anima videlicet & corpore, vt tu me vti,
& ego te æternaliter frui possim. [Vitam æter-
nam.] Quod videlicet post hanc vitam tempo-
ralem vita sequetur æterna, quodque in istam
iusti, reprobi vero in supplicium ibunt æternū,
Amen.

Simplex super eodem Symbolo exer-
citiū. Cap. LIII.
HH iij Cre-